



A. Izetbegovića 60-2. 75246 Čelić Tel: 035/668 650 e-mail: info@opcinacelic.ba

Broj: 02-45-2932/23

Čelić, 09.04.2024. godine

Na osnovu člana 70. stav (1), (3) i (6), člana 25. Zakona o javnim nabavkama Bosne i Hercegovine („Službeni glasnik BiH“ broj: 39/14 i 59/22) (u daljem tekstu: Zakon) i člana 39. Statuta Općine Čelić („Službeni glasnik Općine Čelić“ broj: 3/17) (u daljem tekstu: Statut), na preporuku komisije za nabavku broj: 05-45-2932/23 od 08.04.2024.godine, u postupku javne nabavke radova “Uređenje Humačkog potoka, l=150 m – faza I”, Općinski načelnik donosi:

ODLUKU
o izboru najpovoljnijeg ponuđača

Član 1.

Prihvata se preporuka komisije za nabavku broj: 05-45-2932/23 od 08.04.2024.godine i ugovor o izvođenju radova “Uređenje Humačkog potoka, l=150 m – faza I” dodjeljuje se ponuđaču d.o.o.“Papilon“ Koraj-Čelić, ponuda broj: 65/23 zaprimljena na protokol ugovornog organa dana 24.10.2023.godine, po ponuđenoj cijeni i nakon održane e-aukcije u iznosu od 220.462,69 KM bez PDV-a.

Član 2.

Prijedlog ugovora o nabavci dostavit će se na potpis izabranom ponuđaču iz člana 1. ove Odluke po isteku roka od 15 (petnaest) dana, računajući od dana od kada su svi ponuđači koji su učestvovali u predmetnom postupku nabavke obaviješteni o izboru najpovoljnije ponude.

Član 3.

Ova Odluka stupa na snagu danom donošenja i objavit će se na web stranici Općine Čelić, u skladu sa članom 70. stav (6) Zakona, istovremeno sa upućivanjem iste ponuđačima koji su učestvovali u predmetnom postupku javne nabavke.

O b r a z l o ž e n j e

Postupak javne nabavke pokrenut je Odlukom o pokretanju postupka javne nabavke broj: 02-45-2932/23 od 02.10.2023.godine. Javna nabavka radova “Uređenje Humačkog potoka, l=150 m – faza I” provedena je putem otvorenog postupka. Procijenjena vrijednost javne nabavke iznosila je 222.000,00 KM bez PDV-a. Obavještenje o nabavci broj: 306-1-3-90-3-31/23 objavljeno je na Portalu javnih nabavki dana 03.10.2023.godine.

Komisija za nabavke imenovana Rješenjem broj: 02-45-2932/23 od 02.10.2023.godine, nakon provedenog postupka otvaranja ponuda u skladu sa članom 63. Zakona, u ponovnom postupku nabavke dostavila je ugovornom organu – općinskom načelniku zapisnik o pregledu i ocjeni ponuda broj: 05-45-2932/23 od 04.04.2024.godine, preporuku o izboru najpovoljnijeg ponuđača broj: 05-45-2932/23 od 08.04.2024.godine i izvještaj o radu komisije broj: 05-45-2932/23 od 08.04.2024.godine.

U postupku po izvještaju o radu utvrđeno je da je komisija za javne nabavke blagovremeno izvršila otvaranje, pregled i ocjenu pristiglih ponuda, o čemu je sačinila odgovarajuće zapisnike, u kojima je utvrđeno sljedeće:

- da su u predmetnom postupku javne nabavke pristigle ukupno tri ponude i to: d.o.o. „Papilon“ Koraj-Čelić, grupa ponuđača: „MI-TRADE“ d.o.o. Vražići i „DEN ALM“ d.o.o. Lukavac i grupa ponuđača: „Arapovac putevi“ d.o.o. Ratkovići i „DEJOKOP“ d.o.o. Bok-Orašje,
- da su blagovremeno primljene tri ponude,
- da nije bilo neblagovremeno primljenih ponuda,
- da je ponuda grupe ponuđača: „Arapovac putevi“ d.o.o. Ratkovići i „DEJOKOP“ d.o.o. Bok-Orašje neprihvatljiva,
- da ponude ponuđača d.o.o. „Papilon“ Koraj-Čelić i grupe ponuđača: „MI-TRADE“ d.o.o. Vražići i „DEN ALM“ d.o.o. Lukavac ispunjava kvalifikacione uslove predviđene Tenderskom dokumentacijom, te su ocijenjene kao prihvatljive.

Pregledom i ocjenom ponuda nisu uočene računске greške kod ponuđača.

Dana 20.11.2023.godine ugovorni organ donio je odluku o izboru najpovoljnijeg ponuđača broj: 02-45-2932/23 kojom je izabran kao najpovoljniji grupa ponuđača: „Arapovac putevi“ d.o.o. Ratkovići i „DEJOKOP“ d.o.o. Bok-Orašje. Dana 30.11.2023.godine zaprimljena je žalba grupe ponuđača d.o.o. „MI-TRADE“ Vražići i „DEN ALM“ d.o.o. Lukavac, zastupana po punomoćniku Antonić Mili, advokatu iz Banja Luke i dana 01.12.2023.godine žalba ponuđača d.o.o. „Papilon“ Koraj-Čelić, na Odluku o izboru najpovoljnijeg ponuđača broj: 02-45-2932/23 od dana 20.11.2023.godine u otvorenom postupku javne nabavke radova „Uređenje Humačkog potoka, l=150 m – faza I“. Rješavajući po žalbama Ured za razmatranje žalbi donio je Rješenja o usvajanju žalbi broj: JN2-03-07-1-3573-8/23 i JN2-03-07-1-3542-8/23 oba od 12.01.2024.godine.

Rješenjem broj: JN2-03-07-1-3573-8/23 od 12.01.2024.godine Ured za žalbe naložio je ugovornom organu, odnosno Komisiji da od grupe ponuđača: „Arapovac putevi“ d.o.o. Ratkovići i „DEJOKOP“ d.o.o. Bok-Orašje, odnosno „DEJOKOP“ d.o.o. Bok-Orašje traži pojašnjenje potvrde o uredno izvedenim radovima u smislu da dostave pojašnjenje potvrde uz predočenje dokaza iz kojeg je vidljivo koji iznos bez PDV-a predmetnog ugovora je realizovao DEJOKOP d.o.o. Bok (npr. faktura, otpremnica i sl. iz kojih je vidljiv iznos koji je realizovao DEJOKOP d.o.o. Bok), kao i dokaz iz kojih je vidljiv karakter i kompleksnost izvedenih radova iz ugovora (npr. tehničke specifikacije ili slično iz čega je vidljiv opis radova). Ponuđač je dostavio traženo dana 22.01.2024.godine, a komisija za nabavke je dana 23.01.2024.godine izvršila pregled dokumentacije koju je dostavio navedeni ponuđač. Ugovorni organ zakazao je e-aukciju dana 25.01.2024.godine u 14:15 sati, te po završetku e-aukcije dostavio izvještaj o toku i završetku e-aukcije 25.01.2024. godine u 14:30 h. U izvještaju je kreirana konačna rang lista ponuđača koji su učestvovali u e-aukciji, prema kriteriju najniže ponuđene cijene, a po kojoj je najpovoljnija grupa ponuđača: „Arapovac putevi“ d.o.o. Ratkovići i „DEJOKOP“ d.o.o. Bok-Orašje sa ponuđenom cijenom i nakon održane e-aukcije u iznosu od 220.000,00 KM bez PDV-a. S tim u vezi, komisija je dana 05.02.2024.godine dala preporuku ugovornom organu da ugovor o izvođenju radova zaključi sa grupom ponuđača: „Arapovac putevi“ d.o.o. Ratkovići i „DEJOKOP“ d.o.o. Bok-Orašje sa ponuđenom cijenom od 220.000,00 KM bez PDV-a. Ugovorni organ donio je odluku o izboru najpovoljnijeg ponuđača broj: 02-45-2932/23 dana 05.02.2024.godine prihvatajući preporuku komisije za nabavku.

Dana 19.02.2024.godine zaprimljena je žalba žalitelja d.o.o. „Papilon“ Koraj – Čelić i dana 21.02.2024. godine žalba grupe ponuđača d.o.o. „MI-TRADE“ Vražići i „DEN ALM“ d.o.o. Lukavac, zastupana po punomoćniku Antić Mili, advokatu iz Banja Luke, obje na Odluku o izboru najpovoljnijeg ponuđača broj: 02-45-2932/23 od dana 05.02.2024.godine.

Dana 01.04.2024.godine ugovorni organ zaprimio je rješenja Ureda za razmatranje žalbi, o usvajanju žalbi broj: JN2-03-07-1-623-8/24 i JN2-03-07-1-622-8/24 od 28.03.2024.godine. Po navedenim rješenjima obje žalbe žalitelja su djelimično utemeljene, te je predmet vraćen ugovornom organu na ponovno postupanje. Navodi koji su utemeljeni po žalbama (od strane Ureda za razmatranje žalbi) odnose se na potvrdu izabranog ponuđača; grupa ponuđača: „Arapovac putevi“ d.o.o. Ratkovići i „DEJOKOP“ d.o.o. Bok-Orašje, odnosno ugovorni organ nije dokazao da potvrda izabranog ponuđača odgovara predmetu javne nabavke. Naime, Ured za razmatranje žalbi u gore navedenim Rješenjima navodi: „... a ugovorno tijelo je u ponovnom postupku dužno jasno i nesporno utvrditi pravo stanje stvari na osnovu zahtjeva iz točke 3.4.2. TD kojom je definiran pojam sličnih radova, predmjera radova predmetne tenderske dokumentacije i dostavljene okončane situacije izabranog ponuditelja“. S tim u vezi, komisija za nabavke, odnosno ugovorni organ nema mogućnost ponovog dostavljanja zahtjeva za pojašnjenje potvrde o uredno izvršenom ugovoru grupi ponuđača: „Arapovac putevi“ d.o.o. Ratkovići i „DEJOKOP“ d.o.o. Bok-Orašje, nego je dužan da u skladu sa dokumentacijom koja mu je dostupna ocijeni dokaze i donese Odluku o izboru najpovoljnijeg ponuđača.

S tim u vezi, u ponovom postupku, a po uputama Ureda za razmatranje žalbi, komisija za javne nabavke je ponovo pregledala potvrdu i okončanu situaciju dostavljenu od grupe ponuđača, odnosno „Dejokop“ d.o.o. Bok, te utvrdila da ista djelimično ne odgovara predmetnim radovima zahtijevanim tenderskom dokumentacijom i predmjerom radova koji je sastavni dio tenderske dokumentacije, pa je ocijenila ponudu grupe ponuđača: „Arapovac putevi“ d.o.o. Ratkovići i „DEJOKOP“ d.o.o. Bok-Orašje kao neprihvatljivu, a sve u skladu sa uputama Ureda za razmatranje žalbi.

Pregledom i ocjenom ponuda utvrđeno je da ponude ponuđača d.o.o. „Papilon“ Koraj-Čelić i grupa ponuđača: „MI-TRADE“ d.o.o. Vražići i „DEN ALM“ d.o.o. Lukavac, ispunjavaju kvalifikacione uslove predviđene Tenderskom dokumentacijom, te su ocijenjene kao prihvatljive. Navedeni ponuđači dostavili su tražene dokaze zahtijevane Tenderskom dokumentacijom na propisan način.

Obzirom da je tenderskom dokumentacijom za predmetnu nabavku predviđeno provođenje e-aukcije, ugovorni organ je 05.04.2024.godine poništio provedenu e-aukciju po ranijem postupku te zakazao novu e-aukciju u ponovnom postupku za 08.04.2024. godine u 11:00 h. Ugovorni organ je proveo e-aukciju u zakazano vrijeme i dostavio Komisiji izvještaj o toku i završetku e-aukcije 08.04.2024. godine u 11:12 h. U izvještaju je kreirana konačna rang lista ponuđača koji su učestvovali u e-aukciji, prema kriteriju najniže ponuđene cijene, a po kojoj je najpovoljnija ponuda ponuđača d.o.o. „Papilon“ Koraj-Čelić sa ponuđenom cijenom i nakon održane e-aukcije u iznosu od 220.462,69 KM bez PDV-a.

Komisija je nakon ocjene ponuda i izvršene e-aukcije dana 08.04.2024.godine dala preporuku ugovornom organu da ugovor o izvođenju radova zaključi sa ponuđačem d.o.o. „Papilon“ Koraj-Čelić sa ponuđenom cijenom i nakon održane e-aukcije u iznosu od 220.462,69 KM bez PDV-a.

U postupku donošenja ove Odluke, posebno su cijenjene činjenice da je Komisija izvršila ocjenu kvalifikovanosti ponuđača, te pregled i ocjenu ponuda, u skladu sa kriterijumima iz Tenderske dokumentacije.

U postupku ocjene provedenog postupka, nisu nađene nepravilnosti niti propusti u radu, koji bi eventualno bili osnov za neprihvatanje preporuke Komisije za javne nabavke.

Naime, u postupku je ocijenjeno da je Komisija u svemu pravilno postupila, da je izbor najpovoljnijeg ponuđača izvršen u skladu sa Zakonom, podzakonskim aktima i tenderskom dokumentacijom.

Iz navedenih razloga, primjenom člana 64. stav (1) tačka b) Zakona, člana 8. stav (2) tačka (d) Pravilnika o uspostavljanju i radu Komisije za nabavke („Službeni glasnik BiH“, broj: 103/14 i 49/23) i člana 39. Statuta, odlučeno je kao u članu 1. ove Odluke.

Uputstvo o pravnom lijeku

Protiv ove Odluke može se izjaviti žalba Uredu za razmatranje žalbi BiH, putem ugovornog organa, u roku od 10 (deset) dana od dana prijema ove Odluke. Žalba se podnosi u pisanoj formi i u dovoljnom broju primjeraka, koji ne može biti manji od tri (3).

OPĆINSKI NAČELNIK

Admir Hrustanović, dipl. oec

Dostavljeno:

1. Ponuđačima (3x)
2. Komisiji za nabavke
3. Službi za urbanizam, stambeno komunalne, imovinsko pravne i geodetske poslove
4. Za općinsku web stranicu
5. Evidenciji
6. Arhivi